

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1910312845 որոշումը բեկանելու և վարչական իրավախախտման վերաբերյալ գործը նոր քննության ուղարկելու մասին

«04» 12 2019թ. 17-4-10047

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Հակոբ Աթոյանի դիմումի (ՄԴ/441-19) քննարկման արդյունքում ստեղծված նյութերը՝

Պ Ա Ր Զ Ե Ց Ի

HYUNDAI մակնիշի 36LP634 համարանիշի տրանսպորտային միջոցի վարորդը 13.10.2019թ. ժամը 15:38-ին Երևան քաղաքում հատել է համընթաց ուղղության տրանսպորտային հոսքերը բաժանող հոծ գիծ գծանշումը՝ խախտելով Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասի պահանջը, ինչի հետևանքով նշված տրանսպորտային միջոցի սեփականատեր Արաքսյա Նշանի Շանյանը Ճանապարհային ոստիկանության թիվ 1910312845 որոշմամբ ենթարկվել է վարչական պատասխանատվության, տուգանքի՝ 5000 ՀՀ դրամի չափով:

Քաղաքացի Հակոբ Լյովայի Աթոյանը (ՀԾՀ՝ 2108830499, Վ/Վ՝ ՍԲ016051, բն.հասցեն՝ Արմավիրի մ., Մուսալեռ, Անի թղմ., 12., 1բն.) ՀՀ Ոստիկանության ճանապարհային ոստիկանություն դիմում է ներկայացրել՝ հայտնելով, որ վերը նշված թիվ 1910312845 որոշմամբ ամրագրված իրավախախտումը կատարվել է իր կողմից և խնդրել այն վերահասցեագրել իրեն:

Ուսումնասիրությամբ պարզվել է, որ թիվ 1910312845 որոշմամբ արձանագրված խախտումը կատարելու պահին Հ.Աթոյանը տրանսպորտային միջոցը վարել է ուժը կորցրած վարորդական վկայականով, ինչի համար Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված է տուգանք՝ 10000 ՀՀ դրամի չափով:

Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն՝ եթե անձը կատարել է մի քանի վարչական իրավախախտումներ, որոնց վերաբերյալ գործերը միաժամանակ քննվում են նույն մարմնի (պաշտոնատար անձի) կողմից, տույժը նշանակվում է առավել լուրջ խախտման համար սահմանված սանկցիայի շրջանակներում:

Հաստատված համարելով այն, որ թիվ 1910312845 որոշմամբ ամրագրված ճանապարհային երթևեկության կանոնի խախտումը կատարվել է Հ.Աթոյանի կողմից, նկատի ունենալով, որ խախտումը կատարելիս վերջինս տրանսպորտային միջոցը վարել է ուժը կորցրած վարորդական վկայականով, թիվ 1910312845 որոշումը ենթակա է բեկանման, իսկ Հակոբ Աթոյանը՝ Վարչական իրավախախտումների վերաբերյալ ՀՀ օրենսգրքի 35-րդ հոդվածի 2-րդ մասի համաձայն, ենթակա է վարչական պատասխանատվության՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով սահմանված կարգով:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածով և 293-րդ հոդվածի 1-ին մասի 2-րդ կետով՝

Ո Ր Ո Շ Ե Ց Ի


1. Ճանապարհային ոստիկանության վարչական տույժ նշանակելու մասին թիվ 1910312845 որոշումը բեկանել:

2. **Գործն ուղարկել ՃՈ ՃՊԾ 2-րդ սպայական գումարտակ՝ Վարչական իրավախախտումների վերաբերյալ ՀՀ օրենսգրքի 128-րդ հոդվածի 4-րդ մասով վարույթ իրականացնելու համար:**

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

4. Սույն որոշման օրինակն ուղարկել Հակոբ Աթոյանին (հասցեն՝ ք.Երևան, Սարիթաղ 3 փ., 25տ.), տրանսպորտային միջոցի սեփականատեր Արաքսյա Շանյանին (հասցեն՝ ք.Երևան, Աերացիայի թղմ., 42., 57բն.), ՃՈ ՃՊԾ 2-րդ սպայական գումարտակ և ՏՄՀԽԱ կենտրոն:

Կատարող Ս.Ալեքսանյան



Ե.Կարապետյան